

詒安堂二集

詒安堂二集卷七

循陔草堂集上

上海王慶勳叔彛著

丙春往來海上塵氛逼人嗣以繼慈棄養例不得作韻
語延至巳春楊露耘諸君環以詩章勗和致忘馮婦下
車之誚未歲霪雨爲災迫以議捐議賑恒在窮鄉僻壤
中於此道遂多廢擱未免慚見騷壇而矣姑撮成集以
旌吾過

槎上卽景

溪流分北郭老屋向南榮背日匿花影奔雲拖雨聲手書
憑答客骨董試調羹何事能消倦枯棋戰一枰

題林健菴觀海圖卽送歸蜀

波光倒吸朝霞紅四圍雲影涵虛空魚龍奮舞老蛟立神
仙恍覩金銀宮羨君甫自蜀江至扁舟破浪乘長風萬山
爭媚一枝筆壯遊直到滄溟東搖毫陡攝向若魄豪情直
厭鯨濤雄開眸幾疑宇宙狹更何渣滓藏胸中奇姿怪狀
靡不現乘槎畧與張騫同聞君胡爲弗留此驀然歸興偏
匆匆行篋須防三峽如攪圖奪取丹青工

題施友竹舅氏耕讀圖

士農各有真佳境夙願何時一一償事業正須安畎畝經
猷豈止託文章果誰處世心能足如此傳家澤自長我媿
風塵緣太擾田疇書味兩茫茫

寄六舟上人

滄浪亭畔曾飛錫，明聖湖邊又著名。硯北別開新境界，香
南仍奉古先生。吟來詩草都成偈，悟後鶯花不礙情。太息
萬緣何日了也，參禪悅証空明。

題曹海林丈三十年前眞面目圖卽送之荆溪學博
任

落拓青衫三十年，烟雲過眼總堪憐。猶欣捧檄心能遂，抵
得笙詩孝養虔。

清福憑嘗苜蓿盤，栽培忍負此孤寒。紛紛熱宦成何味，不
及鱸堂一冷官。

難忘粉榆舊酒徒，此行踪迹太嫌孤。願教攜取歡場景，添

幅南園餞別圖。

諸同人公餞
於也是園中

頓江送別圖爲蔣海珊囑題

容易驅歌愴客魂深情猶向畫中存東風慣送人千里南
浦還叨酒一樽別夢頓添湖海濶披圖空憶笑談溫題詩
觸我懷人感心寄吳江夜月痕

圖爲周祖白所
繪周余舊識也

題陳箴士竹裏彈琴圖

別抵清涼世界開此間飛不到塵埃閒憑鳳尾脩脩響引
出薰風一曲來

江上數峯青未了指邊流水去無聲此君不媿知音客抵
得牙期一段情

贈家寅叔

眞許才華替左司風塵豈惜少人知附來驥尾應容我書

得蛾眉定入時歲月轉憐增夢幻情形妙不改書癡閒懷
同此難消遣賴有山窗酒一卮

柬子良並寄令兄子英

笑罵文章筆有神酒懷慷慨總天真偶從舊雨聯新雨不
薄今人愛古人經濟畧堪徵翰墨才華原貴鍊風塵雙丁
聲價誠何愧珍重名場閱歷身

與子良夜話感賦

瞥眼春風換歲華閒愁依舊感無涯姑容酒國謀長策能
守書田有幾家忠孝全憑心上地神仙也是鏡中花十年
擾擾車塵裏博得勞人兩字加

題李子固丈畫梅感作次子治丈韻

萬籟沉沉月滿林一雙瑤鶴杳難尋

李氏吾聞今已廢

生綃許綰

東風影不負當年愛客心

子固尊翁荀香先生集吾園題詠為春雪集

妙句吟來字字香甘將傲骨試冰霜不須重說羅浮夢且

倚紅簫唱夕陽

時約作消寒會

和肖英夜不成寐韻

莫嘆文章不救貧冰霜過後有陽春浮踪慣作依劉客末

俗都稀說項人落拓終疑如玩世荒唐何礙續搜神

時君為余

校見問

諸侯賓客誠非易敢謂年來入幕頻

附原作

楊 燧

海樣清愁水樣貧才華孤負此青春回頭早悟無生
法放眼偏多得意人十載風塵渾似夢一篇棠棣最

傷神綈袍雅誼君何似此後相逢不厭頻

同寅叔東墅允之勿之飲於棣華書屋

飛箏同尋舊日緣不妨談笑久流連新篁圍徧三弓地老
樹遮成一綫天開到嫣紅花似海酌來重碧酒如川比隣
好結雞豚社韻事還憑筆墨聯

答子良

田園無恙喜初歸回首名場計總非高枕幸無詩作祟長
堤又見柳成圍十年京國渾如夢一片風沙尙浣衣叢竹
蕭蕭秋信早壺觴休負蟹螯肥

題陳且陶柳陰垂釣圖

黃金萬縷搓晴煙碧波渺渺涵無邊屠鯨閒煞好身手一

竿點破琉璃天朝釣魚兮貫之柳暮釣魚兮更換酒觥破
烏紗是戲場且將鷗鷺攀為友堪笑紛紛意氣飛誰逃世
網戀蓑衣柳枝盼斷青青眼徒讓魚兒自在肥

題家秋潭丈

城

腹稿憶存詩後

君詩悉為火燬此其追憶餘存者也

滿紙香霏墨采鮮阮亭詩派有真傳碎琴心迹誰能會彈
缺生涯總可憐瓶罄孰貽從事酒硯荒渾似不毛田六丁
儘攫佳章去劫火難燒到九天

卷石山房圖為經芳洲題

山房在經氏宗祠旁

詩禮承先澤烝嘗永孝思恩難忘祖德福喜蔭孫枝樹為
盤根大源還飲水知希文良法在敦本儘堪師

芳洲擬設義田時余

奉家君命

詩辭義莊

散步至青蓮巷

曲徑人稀到藤蘿碧掩關鳥皆含樂意佛亦有歡顏雨細
烟雲潤風柔草木閒老僧相默對此處卽深山

呈張方伯詩舲丈

祥河

范韓勲業重儒林勵志猶巖座右箴壽世早編經世稿出
山仍是在山心循聲久著文翁化轉盼還施傅說霖多少
覆盆冤盡雪任賢還慶主恩深

閩江當日選球琳

君山部曹典試閩江

鐵網眞能獲

國琛才大不

嫌三事重身輕轉覺二毛侵爲栽花木開蘿徑儘許羊求

叩竹林剛喜武功歸故里白頭舊雨更聯吟

謂姚春木丈

和李吟香丈

之萼

七十自壽韻

夜夜吟聲和夕春任他鄉曲喚書傭高懷不愧林泉友熱
血難消塊壘胸筆底烟雲參活相匣中劍鐔斂神鋒知心
除却羊求訪三徑憑教碧草封

戎馬艱危境屢嘗金閨亭畔日相望一番棋劫逃能過兩
地詩筒寄又忙垂幌不知花事了弄鏡惟待藥苗長卜隣
倘許償前約白社還愁拒酒狂

書劍無須慨轉蓬清遊早徧浙西東自登閭嶠詩尤壯果
愛揚州月不同伏處更誰知老驥倦飛從此作歸鴻久經
悟出升沉理得失何心繫塞翁

橫沔 屬浦東界

明湖新雨後碧漲釣魚磯春去桃纔放風搖麥正肥歸雲

千樹冷隔岸一帆飛
漁艇渾無事都來蕩夕暉

舟泊六窰鎮欲訪傅星槎昆仲不果

垂楊影裏泊孤舟
空釣相思月一鉤
滄海潮回聲逼枕
碧天雲淨氣如秋
豪吟曾訂看山約
小別還期載酒遊
奈是歸心留不住
未容閒訪讀書樓

白蓮潭舟夜

銀河微現影聒耳
盡秋聲潮信隨風健
星芒閃樹明却醪
姑寫興土阜半無名
泊棹知何處漁燈點點橫

柬子蔭

屋已東西判水滄
上下分光陰澆濁酒
心血鑄雄文龍尾
尊名士猪肝仗使君
讀書真有福豈羨出山雲

續讀元道山詩

忍笑偷顏惜此身中原文獻仗累臣
畫圖空繫家山想薇蕨終非故國春
心迹畧堪存野史頭銜無奈畧遺民
除教追步陶元亮異代同心有幾人

答姚春木建木兩丈

不獨詩無敵文章並軼羣聲名滿湖海
事業踵機雲白首情相洽青山福共分
况羅佳子弟蘭芷鬱奇芬

送春

柳花如絮撲簾飛欲挽春光不放歸
未肯殘紅輕掃去奚奴也解惜芳菲

小坐詒安堂

聽徹池塘雨。溪流沒舊痕。將詩消日晷。有酒妥花魂。簾捲
樹窺牖。屐喧客到門。莫嫌清興少。風景似江村。

大境卽目

新水迢迢綠進城。向誰打槳渡頭迎。朱闌碧檻銷沉盡。孤
負東風一片情。

碧陰如幄護簾旌。猶費黃鶯百轉聲。落盡桃花飛却絮。風
斜雨細又清明。

柬聽濤丈

經時雙屐阻前溪。恰有新詩待品題。楊柳檻前才合抱。桃
花簾外乍開齊。酒因初熟樽常滿。棋不輕彈手恐低。寫幅
湖山懸四壁。臥遊眞箇恣幽棲。

立夏前一日卽席作

滿院濃抽草木新酒杯忍負此芳辰
鶯花雖好光陰換明日尋香不筭春

吳淞卽事

血漬弓刀浪拍天風翻旗鼓月沉烟
人言楊業眞名將誰縱孫恩號水仙
未有奇功標靖海重煩聖慮飭籌邊
潮聲湧上袁公壘折戟沉沙又幾年

附和作

洪恩昭

紫英

夜色蕭森月滿天落帆風正靜秋烟
蕪城感賦鮑明遠豪筑悲歌李謫仙
好事已沉流水裏忠魂猶繞戰塲邊
篋中檢讀如山令會觀軍容在昔年

海上雜感柬係復生總戎

抱得屠鯨志鮫宮踏浪來龍鱗森島嶼驚有幻樓臺海氣
昏于霧潮聲疾似雷木華曾有賦休負濟川才
高挂蒲帆去憑誇汗漫遊何人纓早請媿我筆難投身于
男兒好烽烟壯士羞孫家兵法在儒雅更風流

天后宮

滔滔風捲浪花腥廟貌巍然肅典型軼事尙堪搜野史慈
懷誰不仗神靈蛟宮威鎮波濤惡螭陸名標俎豆馨尤願
鯨氛從此翦香烟永繞暮山青

渡海至崇明

神魚噴浪高於屋風捲檣颿柔似軸山堆墨漬天倒垂蛟

龍隱隱船邊伏我生豪邁本性成到此肯教形瑟縮開眸
轉覺胸懷寬雄濤淘盡愁千斛回首名疆利鏤場紛紛何
異悲蠻觸波聲洶涌飲愈豪興來還把奇詩讀更與船頭
奠一卮茫茫何處尋徐福

十激

浩渺東溟浪接天三沙橫起已千年海舟但藉帆爲櫓漁
戶全憑水作田共訝客來瀛島外始知春在酒旗邊腥風
吹滿蛟入市爭說魚蝦味最鮮

蝦漂激

恰喜東風順輕裝只載書價墮五色市聲沸隻輪車地解
民情儉天晴客興舒渾忘來海外夢又結樵漁

月夜觀潮

罡風忽起倬如虎浪擊船頭似戰鼓萬道銀光簇湧來直
疑倒射錢王弩我時方臥蓬窗中驚到扶胥大海東老魚
高躍龍欲舞玉輪推出水晶宮是水是月兩難辨匹練分
飛明鏡裂搖破琉璃入混茫乾坤都已包冰雪笑我扁舟
慣往還萍踪幸久熟青山今宵驀入冰壺裏海伯聞之亦
解顏祇恨題詩少奇語孤負姮娥相送處西望吳淞不敢
眠還愁鄉夢隨潮去

崇川書感

蜃氣微茫一髮中瀛洲原許片帆通細流敢比層波碧烈
火終輸曉日紅容有雄才堪作賦須知健翮要培風樓船

勲業非難繼橫海何人策大功

愁聽寒潮日夜流早知世界等浮漚
鈴誰果窺龍豹烽

燧無端駭鷺鷗枉說三章嚴約法

謂徐公事

偏驚六月尚披裘

時天氣甚寒

鯁生豪氣消難盡還向樽前憶壯遊

東王雨山太守孫蘭谿明府

香火因緣聚欣逢海外來胸懷千古接風雨一尊開地僻

憐民俗時艱仗吏才醉譚慷慨甚渾忘漏聲催

子晉原仙品興公亦故人

余昔居南翔甥館時蘭翁曾蒞治其地

名皆登治

譜我轉愧勞薪馬足塵難息龍頭譽共珍願儲舟楫用休

負濟時身

校金梅岑丈遺詩有感

春滿芹香館

南園芹香館
爲君募建

仙遊竟不歸名流情自重才子

壽偏稀黯淡花三徑蒼涼柳十圍誅茅空有願未息漢陰

機

館中有息
機山房額

手定名山業如何未殺青詞華凌庾信酒胆壓劉伶舊事
渾如夢新詩尙在屏開編三嘆息燈影黯於星

綠葭淚舟次

露氣清如洗煙痕淡不收早潮三百里作勢送扁舟雲水
幽人夢波濤估客愁風帆吹正飽扶醉過吳頭

同高蘭翹陳硯香飲於虎阜

客意如春意相逢倍藹然掃除塵外想來結靜中緣一壺
擇斜照滿林熾暮烟舉杯詩興濶欲喚李青蓮

畫舫隨波至燈光爛一湖簫聲攬月起花影隔窗扶白髮
尊名士青山戀酒徒臨行還訂約好景莫教孤

夜泊八尺鎮

五月松陵路渾疑是早秋借詩聊寫景沽酒不驅愁樹黑
煙中寺燈涼水上樓行程憑緩急隨處可勾留

平波臺謁元真子祠

萬頃煙波一畫船達人身世自能全蘼花淺水仍無恙箬
笠輕蓑別有緣除却神仙難位置獨於鷗鷺肯周旋寒泉
秋菊從容薦我爲風塵轉自憐

題平波臺壁

爲愛看山特放舟憑欄頓覺豁雙眸茫茫春水連天湧歷

歷征帆向日收吳越詩材羅四壁烟波事業炳千秋

中祀元真

陳硯香參軍招飲

金閨亭畔水迢迢賴共琴樽慰寂寥結得園林開白社招
來風月鬥紅簫酒懣懣慣披湖山惹綺夢惟將翰墨消泥飲
忍辭深夜醉海棠還恐太無聊

贈高蘭翹丈

四十年前二十三

丈自

嘲句聲華何止徧江南胸羅泰岱詩能

繪材歷風霜味盡諳不信此翁真矍鑠果然無技不包涵
雞壇牛耳憑君執刻楮生涯我轉慚

前門塘鎮爲風雨所阻

題徐湘波風木愴懷圖

誇人何必印懸肘
菽水先須安白首
親年苦短兒方長
何忍光陰付奔走
待得酸心墓上歸
從前缺憾難追咎
徐君示我風木圖
哀音寫入丹青手
淊淊寒雲慘不飛
松楸滿紙如悲吼
當日偏傷易別離
今朝有米因誰負
血淚濃攬墨瀋淋
可憐空抱斯圖守
寄語勞勞車馬人
猛思堂上年華否

俞張小石

莫厭翫人喚酒徒
豪情我亦未能無
本來風氣華胥好
韻

事重添主客圖

樂郊私語載有海鹽丞某簡傲不羈嘗謂

趙子固謂此二人大有華胥風氣爲作圖張之坐右

筆硯生涯要乞靈待編吳越兩山亭江南名士知多少寄

語廉夫戶莫肩

楊廉夫撰吳越兩山亭志江南吟詩者約數百人各執金繒乞楊留選近有詩話之

議故及之

瞿小春屬題笑春圖卽用卷中錢叔美丈韻

天桃噴艷紛如雨錦簇香團引遊女燕燕鶯鶯不住啼分

明替訴花神語露香園子黃泥牆

吾鄉桃花以露香園黃泥牆爲最盛

紅霞

萬朶浮春光春光爛熳深似海仙源不隔波茫茫望達橋

邊阿儂住

望達橋在南門外離故居僅半里許

年年看盡花千樹倘肯攜樽

出郭來請將春色平分去

蕉館吟秋圖爲艾靜洲題

風戰疏林葉敗落雁聲穿雲雲欲搏做成秋境滿乾坤蕭

森如赴詩人約詩人氣本得秋多一片蒼涼繫薜蘿剛趁
蟲聲催唧唧商音還自發聞歌歌妙更容誰按拍秋聲吟
聲互絡繹真氣突將戶牖驚筆光怒鬱寒燈碧是時吟興
不可攔此際秋懷似海寬憑將熱血毫端吮描盡西風萬
斛酸我本年來愁易釀不爲悲秋亦惆悵題罷君圖酒正
濃舉杯轉覺心開曠

贈張問秋丈

朝桂

卽題其養拙居詩稿後

卅年彈冷伯牙琴但許茅齋擁鼻吟定遠空懷投筆志終
軍漸淡請纓心原知文字難爭命敢信江湖有賞音故紙
堆中消歲月不妨門外喚書淫

年華六十恰平頭團扇家家畫陸游用世無妨兼讀律揮

毫誰信最工愁看人容易營三窟料事爭思借一籌漫作
西風搖落感名山功早定千秋

柬楊肖英

烹愁煮夢感如何風雨聲中但嘯歌世態早緣爲客悟詩
心容易被秋磨難除酒癖非關累貪守書癡亦是廢同學
少年都不賤成句又傳佳信到岩阿謂錢少鶴雷蘊峯

梁溪溫容成茂才雲華 囑題其孺人柳菴珠女史蕙

貞慎餘齋遺詩後

鉛華洗盡出天真瑤想瓊思別有神吟到清光如此夜集

有如此清光 果然明月是前身如此夜之句

麗景曾經記板橋舊遊踪迹筆能描簾前山色青如許還

對斜陽詠六朝

令祖此山先生司鐸金陵故集中白門詩極多

幼婦真成絕妙詞左芬才調未參差蒼涼心事誰能會猶

恐秋蘆不盡知

集中有蒼涼心事荻花知之句

合歡花變斷腸花淚搵青袍緒似麻誰料香銷鴛錦日殢

人殘夢尙天涯

容成出遊日多孺人亡時適值遠客楚北

誌地震事

地媼忽作奇文章憑空摩盪恣翱翔不顧生人幾駭絕但
隨手筆時低昂就中風伯亦助興飛沙走礫情尤狂坐令
天公神色變衆星慘淡收光芒此際閭閻萬井竈隄如生
足走且僵滿城雞犬盡嗥動飛昇幾訝隨劉綱豈止紛紛
男婦輩心驚魄悸摧肝腸牆傾屋圯尙餘事山川亦被推

言方生二
齊忙此象何殊磨旋轉霎時位易東西方蒼蒼猶是地改
向不知境已更平何鄉或言鰲背負重久偶畧展動情何
傷豈圖大地悉震恐頓教災變驚非常乃知靜極忽思動
禍機往往由此倡天下事原同一理好奇不若仍守常我
勸地媼姑斂筆行文休再誇鋪張

南園卽事

竹影參差石逕斜層樓俯控萬人家綠肥涼雨抽蕉葉紅
展香風送藕花樹古尙憐名士宅舊爲曹綠岩先生別墅圖荒難育
故侯瓜此間清絕堪逃暑毋戰何妨酒興加

莎涇輿中卽目

沿路輕風送籃輿暑不侵却回三面水樹鬱一隄陰野闊

天如立橋危岸欲沉最憐林外鳥淒婉有餘音

含吉雲

草草光陰太覺忙書生結習詎容忘醉中眞率君能恕愁裏酸醎我慣嘗未免雌聲慚藝苑難爭雄伯到名場願教珍重屠龍手不負仙才到玉堂

秋懷次肖英韻

陡訝吳淞戰陣開城頭鼓角至今哀談兵敢謂懸河口籌筆空煩濟世才萬里妖魔流毒遠一天風鶴送愁來罪言曾效樊川擬肯使丹心隱隱灰

英雄成敗且休論豈爲悲秋洒淚痕大吏那容疏將畧好官原不負君恩漫嗟身世如棋劫莫忘隄防到海門誰

言公集二集 卷一
謂杜陵詩筆變總緣慷慨志猶存

餞吉雲於南園

秋風吹作別離聲把酒難禁百感生
雞黍莫忘他日約林泉休負故園情
何人豪氣千金擲儘爾高談四座驚
不愧凌雲誇健筆詩懷堪副玉堂清

贈李吟香丈

愁絕空山處士家江湖迢遞易天涯
閒雲一出風爲主舊雨重逢鬢漸華
優孟衣冠憑世愛宛陵詩句有人誇
元龍意氣何曾減愧我才難門八叉

題周太僕祠

肯以冥勤死千秋廟食宜賢良真不愧
科目未爲奇吏治

酬 心簡官聲紀口碑浪花堆似雪彷彿展靈旗

浩渺吳淞水常流太守清智能驅木隸恩早浹芸生威鎮
波濤壯名垂竹帛榮 兩朝功烈在憑弔不勝情

題贈蔣劍人

敦復

嘯古堂詩後

直衍梅村派驚才孰賞音佛仙參慧業湖海困閒心不盡
中年感如聞小雅吟香薰絲繡好誰解服膺深

竟與焦桐匹空憐爨下音酒蒸名士淚秋寫美人心天地
蒼茫慨河山寂寞吟孟韓如遇合傾倒自情深

畲張遜亭

住梅

絕世聰明絕妙辭名場難得竟同時那須縱酒纔紓憤
君飲聊借悲秋且賦詩品格漫疑將俗倣才華轉恐被人知

言
卷二
君詩不襟懷高潔情溫厚抵得遺山與牧之

卽事

敢信鯨波靖海隅須知小醜亦堪虞樓船徒耀軍威壯鄉
社還憑士氣粗未必神兵能保障豈容寬政及荏苒書生
空有籌邊策畢竟欃槍掃得無

和朱蔭庭廣文

鳳笙

卽事有作韻

莽莽乾坤歲月更依然纔觸未能平劍鋒誰搗羣魔穴時廣
艇盜匪嘯聚南漁山星彩空瞻大將營忍負君恩山岳重可憐民
命羽毛輕書生心計將軍胆何日眞看斬巨鯨

原作

朱鳳笙

說到滄桑幾變更海波今日正難平空言粉飾兵防

策虛費糧儲水陸營弭盜計無爲盜巧安民要在累

民輕將軍李廣殊同調

謂李忠烈公

白日長驅碧海鯨

夏日蘭言室作

火雲墜欲飛陡被竹攔住清風款款來悄悄向書堂赴涼意
襲衣襟如把詩情助老樹蔭森森亦似將人護炎官雖有
權威不到此處何必消夏灣卽此澄萬慮

題賞菊圖

冷淡生涯別有情賞心難得遇淵明不須過傲風霜品尙
恐梅花與爾爭

題木雞書屋集卽寄黃鶴樓丈

金臺

湖海蒼茫氣自豪此本端不愧風騷英雄老去憐猿背科

第新看屬鳳毛

謂令似唐山孝廉

文社共推斑管健詩成還壓陣

雲高

壬辰紀事諸樂府直逼少陵

半生早定名山業漫向青天首更搔

夢花橋舟次

嵐氣昏如雨風聲冷變秋烟波饒逸興詩酒足清遊客夢
縈千里生涯付一舟祇憐佳句少孤負管城侯

鶴樓丈書來詢及近況詩以畱之

仰屋年年費苦吟一腔熱血裏愁深談兵敢詔封侯骨
年來海盜肆劫邑中人添募水勇協兵防剿頗有成效轉漕同殷捧日心
承領海運各船商皆蒙獎有故人來拌賭酒無知已到莫彈琴私懷但祝樓船帥
及早鯨鯢一戰擒

同賈雲階明經舟中話雨感事有作卽次其韻

驢背船唇苦未休又吟詩句紀官郵
據瓊敢羨凌霄鶴飄泊真同狎浪鷗
萬頃烟波勞遠夢幾番風雨逼殘秋
漫將豪氣元龍比愁聽寒潮日夜流

蜃毒如何未廓清須知孤掌本難鳴
狼奔豕突千年恨地老天荒一劍橫
空有文章排衆議最難草野頌循聲
小園敢與蘭成擬祇媿牢騷易不平

原作

賈履上

纔從江上賦歸休又卸山郵換水郵
已分功名同腐鼠不辭身世託閒鷗
青林紅樹爭迎客暝雨孤燈急送秋
却憶昨宵看月好蓬窗涼霧繞寒流

襖被聯吟意興清劇談世事劍空鳴
民情動與官情

拂舟至七寶鎮值變邑雨氣長連海氣橫積潦告災

靖不嗽雁未全安宅計江北飢民啼鴉旋作警寒聲又復

君穩臥槎溪上好學當年向子平

題賓寄上人詩草

一蒲團徹去來今儘掩禪關費苦吟句法圓參諸佛相詞

源妙証碩儒心上人本名孝廉烟雲且任隨時幻花鳥都

關寓意深嬾可瘦權多舊雨謂青雨人又從蓮社識球琳

金閭旅夜

寒威真刺骨賴有酒能支月淡形疑凍宵長漏益遲隱增

遊子感閒答故人詩時適接吉雲窗外簫聲急知將泊棹

時

柬蔣海珊

暫容豪氣歛江湖斗室蕭然靜擁爐排日徐將詩債贖經
旬差免酒狂呼余戒飲已一月矣只除泉石無他好賴有琴書可
自娛聞道早梅開正盛閒情能賽孟郊無

題鍾訪梅畫

庭院無人長綠苔秋聲移上畫堂來孤寒誰似黃花耐不
到重陽不肯開

寄甘峻岩

一櫂隨潮返挑燈喜乍迴月仍前度好笛洗舊音哀詩夢
鷗分去新秋雁帶來木樨香正吐樽酒願相陪

冬日卽興

遠樹晴逾碧寒花冷不紅雁聲酸入夢雲影健馳風閒緒
難冰釋生涯仗火攻閉門良有味何用卜窮通

同朱友三崧塘夜泊感賦

聊醉他鄉酒蓬窗共一燈天寒山月小風緊夜潮增行役
眞如慣偷閒苦未能海氛何日息將畧恐難憑

贈張秋浦

落拓生涯硯作田幾時眞箇遇豐年并無驥尾容相附誰
顧蛾眉祇自憐悶倩琴書消永晝冷攀風月結良緣滿腔
心事從何訴呵壁空煩屢問天

和李筱英離尹都中留別韻

重把西湖舊興邀官清也要福能銷雅懷應許東坡並熱

念羞依北斗遙夢影冷回

溫室樹

君以通政司經歷改就外官

詩心

雄壓浙江潮使君到日春剛艷竹馬青分柳萬條

那須得失感雞蟲孤負才華賦九官月鍊清愁歸鳳管劍

沉豪氣老猿公人來烏帽黃塵外簿飲丹山碧澗中料得

江神欣識面挂帆高送吉祥風

豈必詩名讓早朝置身偏未許三霄君非花樣輪今日我

轉冰衙媿此條衙鼓蠻天掠遠夢

尊甫瀛門丈時爲黔省思州太守

羹湯

新婦試初調宦途本是波瀾濶不繫舟憑一葉飄

尹文端公于兩

江節署建一亭顏曰不繫舟蓋寓言宦迹無定特借義於南華經云

舊事迷淒不可思電光石火感當時情深壻水兒憑寄

長

子時寄養於君信冷仙山淚自知

尊聞夫人下世後義不再娶

方冀烟

外家山西溫氏

詒安堂二集

卷七

三

霞容畧享偏教風雨贈將離不妨小試經綸手襟抱何曾異啟期

儘搜詩料付征鞍此去清爭越水寒轍迹幸容他日合

時余

將投効

官聲何必古人難文章屈價名仍重

君八試

袍笏

登場興未闌花柳六橋清似昔任將身作樂天看

談兵空詡策如神同是書生閱歷身

時上海設有捕盜局君適奉委至滬遂同

籌

議門戶難融窺管見樓船誰號枕戈人且嘗宦海干般味

分守孤山一段春酒趣餘杭應自好休言輸與季鷹莼

題李淡菴

樹深

詩卷

南翔人

寥落難禁感慨歌知心賴有酒人過

謂雷約

那須絹海膠

山比但在流傳不在多

浪迹風塵孰賞音
閒懷空自費沉吟
是誰絲繡香薰者
不
媿憐才一片心

春雪集爲李卽卿姑夫題

曲曲紅欄老樹扶
梅花寫入早春圖
祇憐酒散人如夢
寄語東風感慨無

伊誰妙手擅陽春
老輩風流筆有神
細數樽前舊詩侶
詠花猶有白頭人

謂瞿子治丈

柬趙二川

弄罷桓伊笛
宵深尙倚樓
朔風沉畫角
寒雨急殘秋
捧檄曾無意
垂綸正待謀
雁聲飛不定
酸逼荻花洲

與泉孫夜話

事慣熱腸做人偏冷眼看微名羞狗監薄俗客猜肝書枉
五車熱心灰一劍寒深談增感慨渾忘漏將闌

詒安堂二集卷八

循陔草堂集下卷

上海王慶勳叔彞著

己酉元旦和楊露耘丈韻

特地柴門爲客開
東風暗送好春來
纏綿詩思如抽繭
深淺韶光欲問梅
蠶窟差欣妖霧息
蛇山新唱凱歌回
時崇面盜艇爲水勇胡維榮擊沉數隻悉已南竄
團欒莫忘昇平樂
珍重題牋賭酒才

和露翁新正五日作

一路笙歌雜爆聲
家家紅燭影縱橫
財神權大爭趨媚
詩客心閒厭送迎
致富書中良有術
寄人籬下豈無情
薰心不盡金銀氣
笑語喧還擾夢清

言外集卷八
八日次曹丈楠岑韻

愧無佳句答詩人花事初開百五辰
香氣漸催梅萼綻晴光分照麥苗勻
掃除妄念思禪悅收歛雄心養谷神
最愛南榮紅日近曉風吹暖小堂春

白燕詩和露翁韻

堪比仙胎品絕倫任呼明月証前身
畧摹玉宇繁華影不厭瓊樓寂寞春
絮語已超諸色界雕梁何媿素心人
水晶簾下誰閒看好吮銀毫替寫神

辛苦營巢又幾秋羽毛贏得雪霜留
潔身不礙棲朱戶比翼真看到白頭
縞袂正應時作伴烏衣還爲爾增羞
倘教飛入梅花裏絕勝仙魂化蝶遊

月夜感賦

明月依然照樹顛
那堪往事憶從前
名場久已成孤注
塵海難禁負壯年
屈指故人疏似夢
回頭陳迹渺于烟
東風轉覺多情甚
吹放庭花益可憐

曉渡黃浦

客思雲千狀
春寒夢一城
腥風吹有力
蠻語寂無聲
水濶帆疑挂
天空氣益清
紅霞纔破曉
人在鏡中行

富楠亭丈次露翁韻

高山流水幾知音
閒煞先生淡泊心
且共步兵謀痛飲
漫隨杜老作愁吟
豪情空躍牀頭劍
知己誰憐爨下琴
猶有兒時滋味在
青燈影護紙窗深

聽松圖爲李艇淞題

磨盡風霜不受欺，青青直到歲寒時。
賞心誰是陶元亮，寫照還逢顧凱之。
祇覺胸中天籟足，肯求世上俗人知。
大材莫悵空山老，會看龍鱗變化奇。

獨遊南園遲甘峻巖趙元卿不至

爲愛園林趣，支筇獨往還。
孤松撐峭壁，一磬靜空山。
春入波痕活，風攪鳥語閒。
美人期不至，只在白雲間。

河東君像

依然瘦影倚樓東，往事徒懸想像中。
千古風流紅豆劫，兩朝人物黑頭公。
絮泥易爲憐才誤，蓮性懸知入道空。
縱有苦心難畫出，菱花鏡裏笑英雄。

河東君遺妝鏡流傳於世，鏡背鐫詩有官看整巾師。

要待點妝
成之句

來夢亭話雨圖

沈丈夢塘客閩時適陸太守萊藏師爲閩令築亭
居之顏曰來夢繪圖紀事夢翁首唱四詩吾師及
諸名流題和殆徧洵佳話也今夢翁久歸道山卽
距吾師之歿亦將十稔矣令子仲貽茂才出是圖
囑題敬次原韻聊誌酒罍之感梁木之悲而已時
道光己酉暮春慶勳謹識

好風吹聚雨浮萍笑兀天南見此亭剪燭互憐秋鬢白揮
毫豈願俗眸青主投并轄飛吟盞客和琴絃傷訟廳廿載
巢痕猶在眼披圖重感隕文星

修書東越擅才能快意終輸餅裹綾尙累公車估計吏可

堪隻履促歸僧雲移獅座迴征旆花黯牀江熄慧燈叢桂

欲留留不住每繙遺集涕難勝

丈有東越修書圖又叢桂山房初續稿

樽前舊夢太惺忪豈止蓬山隔萬重

家君昔招丈飲宦境必命勲兄弟見

頓教悲鵬鳥山頭猶自綰芙蓉材麗空冀傳衣鉢心淡何

曾艷鼎鐘想見聯吟亭子裏詩情諧似玉丁冬

披圖倍覺惹愁思薄技曾叨老輩知

少時曾以詩草相質頗蒙獎飾捧墨

難禁憐分淺樞衣猶幸未生遲早經詩價騰人口不待茅

堂累友貲滿卷筆花飛燦爛騎鯨人奈去多時

雨中過七佛閣

一磬遙沉細雨中扶筇來訪梵王宮松間樓閣參差見徑

外闌千屈曲通好爲蓮花來結社初栽柳樹已招風晚晴
似欲催詩興閒露斜陽一抹紅

晚過唯亭

渺渺烟波濶中流自在行帆撐風力健燈閃市心明野色
昏于墨星光皓似晶蘭陵新釀好扶醉寫詩情

舟中與朱友三甘峻岩昆仲夜話

未能無客感對酒且高歌熱血何曾少同心豈在多襟懷
空憫儻歲月慣蹉跎太息文章事青衫忒耐磨

重遊穹窿山

嵐影蒼茫裏琳宮萬戶開眞靈圖位業金碧燦樓臺樂奏
天邊曲松鳴磬底雷山山青似昔應識客重來

林瀟瀟光白雲分石氣青遠峯含夕照新竹擁孤亭地僻
春先到年深樹亦靈流泉聲瀾瀾好在靜中聽

勝侶攜羣玉因之感舊時休文壁間句

謂沈曉湖上舍

靈運夢中

詩

謂薇洲堂弟

小刼烟霞變

前年火燬道房五十餘間

浮生歲月馳結茅良

有願商畧買山貲

遊茅蓬諸勝

一徑扶筇來穿破濃陰綠嵐翠撲衣涼曉色滉青玉薄霧
散空林奔泉喧礪曲同遊清興多買勇窮崖谷危石插半
天苔滑不容足身欲與之齊心已怯遙矚樵子斧丁丁關
腰雲亂束各暢此胸襟我亦忘迫促宛轉學螺旋浮嵐互
斷續細雨漫空吹歸心急童僕隱隱洞簫聲詩心忽感觸

聽吳少山道士彈琴卽次原韻

空山何寂寂雅趣愜瑤琴自寫幽人興如聞太古音心隨
流水遠秋入碧雲深領取清閒味風泉淡素襟

同峻巖旦雲遊銅井諸山飯於還元閣中

春氣盎空山處處明花柳偶坐篋輿來還挈林泉友巒翠
擁高低香風送前後山僧飯客忙野簍佐清酒讀書更談
詩禪心細分割窮幽不厭勞甘爲煙霏誘才從松隙穿又
向雲中走日影烘衣煖石氣塞空厚極目水雲邊斜陽淹
谷口遙指六浮閣長蘅信名手溪山雅可人開士獨消受
更約梅花時來聽鯨魚吼

石壁精舍次春水丈韻

水綠浮雲外山青落鏡中石光寒竹雨湖氣咽松風大地
浮蒼莽輕帆度碧空老僧惟面壁應許慧緣通

司徒廟古柏行

無邊黛色蒸晴空日光黯黯煙濛濛紅牆百尺鎖不住吼
聲怒捲長天風一株宛似瘦蛟立霜皮剝盡苔紋裂一株
欲學神龍飛虬枝直借雲爲衣猶有兩株更奇崛一作縱
橫一盤屈天矯輪囷千百年不藉春光白葱鬱偃臥同經
歲月深斧斤不受樵人侵倘非神靈暗呵護偉觀安得傳
於今噫吁嚱奇材莫惜虛梁棟森森久醒繁華夢任詔人
間劫火多雷霆自避此巖洞

光福虎山橋

吹入東風煖遙天忽變晴萬家山色裏一塔夕陽擎巖翠
橫空冷湖波澈底清荆關好圖畫處處有詩情

移石居贈陸采山道士

小住烟霞窟宵來夢亦閒彈琴招白鶴醺酒揖青山瀟水
通花徑呼雲護石關勞勞塵俗念到此一齊刪

肩輿自來鶴愿遊天平法螺寒山支酬之勝還恐吾

與菴

山靈劇有情峯峯似含笑孤棹沿溪行探勝還呼轎春意
媚遊人烟鬢逞奇妙出入雲氣中四顧恣遐眺風兜壑底
來吼若虎長嘯極目萬頃波水雲浸斜照青山量寬容儘
人竊詩料

言外集卷二
萬笏插霄漢靈境原天生流泉分上下石屋雲邊橫巖翠
滴不止一路喧松聲老樹互遮蔽秀氣蒸佳城愛樂在天
下公豈循虛聲儒者類學此纔是真書生

樹色綠參天石齒繁於雪花光紅欲然正值芳菲節潭水

清照人鬚眉亦澄澈瘦蛟何不情竟把琳宮掣

寒山僧舍
俱爲蛟蟄

遂使名勝區一朝付殘缺茫茫諸神仙禍幾遭頂滅

腰脚縱自負登陟終防疲山麓得蘭若小憩花影移一甌

泛茗茗聊藉清詩脾羣峯如戀我猶復探頭窺老桷有閒

福對佛惟吟詩我亦願住此山水長相隨佛似笑而拒此

念姑遲遲

柴樟嶺

松陰十里塞晴空修徑如蛇曲曲通俯視萬峯環脚底纔知身在白雲中

遊復園

綠樹檐端合青山屋角分地寬都種竹亭小不藏雲日暖花爭艷風香草自薰梅卹詩榻好閒與剔苔紋

靈巖卽景

湖水無邊白山花着意紅馬蹄淹客路鳥語洽春風野樹遙連隊晴巒陡插空青蒼攔不盡都入混茫中

東周邵雨丈

醉鄉敢說興闌珊風雨差欣掩竹關容易書生遭白眼願隨隱士買青山陳平自幼能排難潘岳而今未許閒漫託

窮途愁螻屈儘誇澤物到人寰

張藹堂丈邀賞牡丹

無須百寶作闌干翠幔低圍瑪瑙盤絕勝買將顏色畫還期
留與子孫看夢中綵筆傳新句座上金樽續舊歡此亦
瑤臺仙世界欲題詩幅正愁難

循陔草堂落成詩以志喜

舊屬平原宅

屋係陸氏舊居

新來結草廬買山粗了願插架幸留

書庭院清如許軒窗靜有餘塵氛差喜滌儘可約樵漁

北鄉樓憑改南茶戶特開堂留前主額

棟華書屋額仍其舊

屐印舊

時苔偃翠還栽竹蒸香正孕梅憐他雙燕子賀我也頻來
室僅堪容膝牆休笑及肩林花紅刺眼潭樹碧參天石氣

仍含秀波光益助鮮鐘聲知近寺如警五更眠

去大德寺僅數弓地

名取笙詩義承歡昂我師

額爲朱甲三太守師所題

畧營韓子屋敢比

習家池雅集聯今雨閒懷寄小詩天倫原樂事况又日遲遲

贈楊子于鎬卽送之官江右

能爲佳士必良吏讀書豈博求官地經濟繁榮非偶然肯
教孤負澄清志咄哉世祇矜才華翩翩自詡凌雲器詩書
但有糟魄存何曾領畧前人意無怪將身涉仕途拘牽翻
爲蒼生累又或自詫精明材行事頗與簡編異私心徒逞
誇聰強無形桎梏民難避此皆夙昧眞權衡可憐妄把牛
刀試我生幸識楊關西茹古涵今無弗備巍科豈足爲君

榮長材民社尤堪寄蟹螯蟻績爭前賢譽頌神君自易易
豫章况集古名流似君聲氣原同類願君更法陽亢宗任
拙催科勤撫字縱教加以強項名已與龔黃堪把臂

柬李春洲

故人家住吳淞曲泛似閒鷗少拘束敢說生涯一事無烟
波常裹衣衫綠好在從來不識愁此身以外惟扁舟乾坤
憑爾多翻覆蹤踪從容總自由慨我名疆兼利鎖塵網紛
擾無一可難許攬身雲水鄉徒從鏡裏參因果感君飄灑
贈君詩醉墨研來愧不辭何年引我桃源去倩爾漁郎作
導師

題顧仁夫四時觴詠圖

酒地花天結客場風流堪接玉山堂儘教佳景時時換自有閒懷各抵償

飛觴刻燭儘盤桓清福修來似此難總爲林泉忙不了惹他魚鳥也增歡

槎溪春望

水漲三篙碧林遮十里紅雲籠花徑外春漾酒帘中塔影沉于燕橋痕偃似虹看山何處好扶杖羨鄰翁

峻岩招飲於七佛閣

破寂憑澆酒敲詩借佛燈石頑森似獸松古健于僧雅集原同調清談亦上乘青山應笑我無此筆峻嶒

緹同東墅夜話

春來最易觸愁根往事從頭仔細論
劫外鶯花傷杜牧眼中人物笑桓溫
江湖難許尋詩夢風雨猶堪數酒痕
隨意杯盤知未俗爲邀明月不關門

苦雨擬杜少陵

未到熟梅天積陰已旬日逾逢時雨行淫潦更泛溢瀑布
疑翻空沮洳欲沒膝沉竈產蛙危幾與晉陽匹濃雲低壓
檐不放金烏出年年苦偏災處處急惆悵今更恣汪洋天
心不可詰朝曦偶露光旋已遮護密誰能補漏天愧乏嫺
皇術雨師太弄奇苔花繡入室時駭垣墉傾安冀田禾苗
哀哀中澤鴻生計竟難必思繪流民圖孰具監門筆陰陽
變理功終須仗丙吉

和作

李之萼

開巖及今茲百六十餘日見曦不數旬簷流慣如溢
吾鄉地甌窶尙苦泥濘滕頗聞汙邪區所插秧全失
涸復未知期秋賦從何出人情徧騷然顏亦不逞恤
嘯呼擾殷戶官莫能深詰塗飾耳目間姑示計周密
斷屠及平糶此外無他術我無寸田憂亦自歎于室
壁湔當篆看階菌如芝苗時或漏林曛晴卒無可必
表奏通天臺憤來欲奮筆聖人豈予欺卦象告元吉
占得火山旅交
小暑似可晴

循陔草堂卽景

萬竹如雲綠到廊扶疏况繞木千章無煩急雨驅殘暑自

有清風送嫩涼長日端宜文字飲閒情易觸菱荷香北山
猿鶴休相笑肯爲槐花枉自忙時有友人邀余赴秋試者

夜泊次峻岩見贈韻

共酌一尊酒扁舟心自寬潮聲擠岸急露氣浸窗寒纖月
窺林隙巖更逼夜闌好依漁舍宿詩夢稅江灘

棧華書屋爲陸大令幔亭先生廷燦故宅余旣葺而
新之仍以原名用示不忘先達云

偶作三槎客無須百尺樓庭寬添爽塏院靜覺清幽細雨
催輕靄新涼送早秋一亭深竹裏蒼翠接雲流

籬結思栽菊池通好種魚婦知藏斗酒童解摘園蔬豈有
凌雲筆偏多插架書不煩猿鶴笑夢已到樵漁

槎溪曾慶林

事余有年頗解吟咏東墅見而賞之寵

以三詩寄示屬和因用其韻

忽驚賞識到風塵爲愛詩篇寄意新
愧我身非蕭穎士箇中偏有可憐人

蠻箋竟荷寵新詞難得多情杜牧之
消受憐才眞意思可容磨墨拜爲師

任繡平原五色絲雅懷相感本無涯
敢誇我有東風力桃李眞能替主持

原作并序

張修府

道光己酉夏叔彝邵郎招飲於循陔草堂
得閱曾春生自娛草風格清雋入彀處雅
近許丁卯楊茂才肖

英勸令從晚唐入手真是知言僕候蟲自吟仙蠹不

化名韁偶絆詩夢都拋行將假滿北征京洛之塵汗
人渭城之歌罷唱不意茫茫人海見此清才錄艷評
香校讀竟日輒題三截句以志心賞質之叔彙當不
以鄙言爲河漢也

仙骨香心艷絕塵芙蓉初日寫清新金針細檢鴛鴦
譜丁卯橋邊有替人

蘭子香初絕妙詞李林風調雨兼之騷壇佳話分明

記誰是長蘆舊釣師

朱竹垞先生明詩綜錄林汝元李英李結等六人詩靜志居詩

話又載鄭蘭子陳香初陳竹逸句

塗抹頻年感髩絲磨驢蹤迹又天涯愛才寄語漁洋

老鐵網紅珊好護持

七夕詞和張秋浦韻

織雲掃盡愁無迹月挂桐陰自流碧碧海青天萬種情閒
懷又觸支機石爭傳故事曝衣樓瓜果庭前餉女牛四壁
鳴蟲訴何語笛聲涼入萬家秋長生殿上當年事只有嫦
娥知此意珠網同心暗結成相思肯向璇閨寄乞得天孫
巧幾何雙星猶盼夜深過幾生修到汾陽福親見雲駟駐
絳河

七夕小酌和肖英韻

新月纖纖直射筵今宵端合迓神仙簾前酒氣蒸紅燭雲
外風聲戰翠烟兒女情多難免累功名心淡且隨緣

暗用
郭令

青衫先生集卷之七
公故
事
七襄自有才人筆錦段無須乞九天

原作

楊 燧

杯盤剛喜趁瓜筵恨不雙星化酒仙
花繞庭階凝欲語月籠樓閣淡成烟
品高妙帶山林氣情重無過筆
墨緣今夕傾樽真快意醉扶殘夢到瑤天

海會寺

入室千竿竹開門萬頃田
雲依幢影靜風颭磬聲圓
古佛渾無語秋花劇可憐
掃除湖海氣儘許証枯禪

僧寮卽事

秋光偏似避禪關
尙覺炎威未肯刪
老樹陰濃孤鳥戀
虛堂晝靜一僧閒
頽垣和石埋芳草
叢竹連雲擁遠山
四面

稻花平野澗詩情都付夕陽間

宿雨花堂同艾丈靜洲沈君竹卿

一鈎新月樹頭明
寂寂禪堂露氣清
歸夢不難飛浦過
吟懷容易爲秋生
蚊張花股如雷陣
蟲沸籬根似雨聲
正苦塵囂無處避
幸來初地訂詩盟

同喬雪山王牧甫晚眺

野色浮千里
蟲音匝樹根
潮流雲外浦
月上水邊邨
燈火分漁艇
涼颺滿寺門
溪光明似鏡
倒浸幾星痕

題團扇美人

東風吹暖艷陽天
香引魚苗到水邊
剛值紅欄閒倚處
癡懷又被柳絲牽

贈楊吉雲

彙征

倦入青雲息羽翰且將棋局冷中看更無車馬撓清夢別
仗琴書結古歡與世周旋良不易得人賞識本來難從今
落拓真何礙儘爲嵇康禮數寬

寄鍾子良

怕見團團月離愁海樣深鷗閒偏有夢鶴翥亦何心酒國
誰知己詩壇孰賞音秋風防太酷休讓二毛侵

感賦同竹卿作

續命無湯可奈何哀鴻滿眼慘江河勸貴勝托沿門鉢積
忌偏操入室戈未必身皆更事久敢誇功已活人多與君
忍效模稜習背學尋常受涅磨

庚癸聲還絡繹呼輸金頻下縣官符救荒賴有眞循吏漁
利難禁賤丈夫冷眼相看原可笑熱腸猶在未容誣那辭
局外紛綸議祇愧蒼生濟得無

蘭言室卽景

愛讀閒居賦經旬掩竹扉雨添琴韻潤秋入荳花肥蒼磴
新鋪碧楓林盡賜緋讀書無一事妄念息非非

送馬純齋軼羣之邗江

薦放木蘭舟詩材任意搜夢拋京口驛吟到廣陵秋花月
供閒賞江山佐壯遊潮聲雄似昔淘盡客中愁

延秋社詩課分詠

朝廷早定偏安局名將難誇殺賊雄束手竟甘三字獄平

心誰諒十年功憑將碧血留青史剩有南枝吼北風從古
長城皆自壞西湖埋骨恨無窮

岳鄂王

不許沙場建戰功騎驢從此老英雄空勞鐵纜沉千艘

世忠

與兀朮相持黃天蕩豫以鐵纜貫大鈎授壯士及誰恤青

敵舟至分道出此背每纜一練則拽一舟沉之

衣辱兩宮同命有人親執鼓殺身無益早藏弓將軍熱血

眞孤負消盡清涼二字中

韓斯王

東李筱簾卽題其江卹詩草後

不愧青蓮裔年年費苦吟都成才子筆偏冷宦場心品似
烟雲潔書磨歲月深終期爲世用休負此甘霖

負米載詩圖爲曹海林丈題卽用原韻

豈因尊菜感秋風至性高懷爾未窮宦味早如彭澤淡綵

衣還與老萊同敢誇百里程途遠自有千篇醞釀工孝子
才人都不媿問誰能仿此圖中

蔣海珊員外招飲南園

亞觴踐約未應遲尙有荷香馥滿池聽雨儘澆名士酒翦
燈還讀寓公詩秋聲偏慣敲桐葉古蹟憑教譜竹枝醉後
雄心難自掩同抽寶劍訂相知

臥病槎東別墅詩以遣悶

漸怯新涼易中人披衣珍重苦吟身轉憐病裏通方技藥
草精華辨畧眞

鎮日雕窗面面開綠陰涼欲浸樓臺呼僮牢押湘簾住還
恐封姨樹地來

戒飲翻疑悟昨非公榮何礙我同譏祇慙秋興眞孤負稻
蟹今年分外肥

扶牀漸覺可支持習靜憑將過客辭因病得閒良不惡
藥爐香裏且吟詩

病愈寄畬季平弟

書來屢訊病如何豈止閒懷負碧蘿三徑徒憐花寂寞一
秋都付藥消磨光陰眞覺蹉跎甚髀肉難禁感慨多猶幸
牀頭逃二豎仍容詩句細吟哦

題畫

縛箇茅亭在山麓萬竿排作碧雲橫閒來領畧秋滋味淘
得詩心分外清

東吳鑄生 鳴鏑

兩鬢霜痕任不情難禁意氣自縱橫本來豪士皆能飲特
恐今人不好名妙墨君真傾逸少艷才我轉媿蘭成滿腔
熱血何從洒但覺拋書感慨并

合張問秋丈

森森班管鬱奇香秀出江東翰墨場書譜愛摹黃魯直將
星能識郭汾陽詩噴珠玉才如錦身鍊風塵謔有霜放眼
總憐同調少不堪把酒感蒼茫

柳如是像余已題之屢矣秋浦又以絹本所摹者索
詩書此應之

那煩泥絮怨東風俠骨柔腸孰許同轉爲美人名太重絳

雲羞得可憐紅

曾經拂水舊山莊遺恨難禁弔夕陽不幸名流偏壽永甘
將千古讓紅妝

同肖英登志遠樓晚眺

敢比元龍高百尺豪情也覺壓滄洲重重樹色濃逾畫落
落詩懷淡入秋斜照低攬虹影墜晚雲遙帶雁聲流披襟
領取涼滋味亂竹迎風正點頭

和作

楊 燿

巍樓合配詩仙佳勝境還應抵十洲風景何人堪着
筆襟懷高士最宜秋遙山瞰客青如戀老樹攔雲碧
欲流記取王郎健句在聲名端不愧龍頭

秋日口占

竹裏柴門鎖日曠秋光
次到閒庭酒無客送思浮白詩
惹人着想殺青但恨匡時良策少漸知醫病古方靈盈虛
早悟尋常理何待南華一卷經

同吟香丈楚槎鷗客九之小酌

小雨初過後聊同秉燭遊酒盟深夜月風助滿庭秋花氣
猶薰座鐘聲欲撼樓

居鄰大德寺

詩懷蓬勃甚惟有醉堪酬

棣華書屋

小舫沿波接草堂依稀風景鄭公鄉三升未醒昨宵酒一
雨新添今日涼綠閃池邊荷葉大碧屯門外稻花香晚閒
但覺村居好不待敲詩興也長

綴秋夕舟中書懷

青負江邊月，蓬窗滅燭看。
風篩蟲語細，雲裏雁聲寒。
吮筆詩初就，傾杯酒已殘。
今宵歸夢阻，都被亂峯攔。

柬肖英

袖得凌雲筆一枝，豈宜閒過少年時。
每因夜雨留吟伴，最易秋風感髩絲。
薄俗何知傳世好，名山漸悔讀書遲。
相逢總覺多情甚，滿酌清樽細說詩。

題紅豆圖

笑指薜蘿舊夢痕，愁根畢竟是靈根。
幾時化作鴛鴦去，願祝東風酒一樽。

秋闈報罷

埋頭困煞幾英雄抵得禪門而壁功科第本來關福命文章原不繫窮通過時雞肋猶堪情新樣蛾眉豈未工畢竟何人忘結習可憐瑁珠又西風

竹深處小坐

目對千竿竹詩心分外清幽花環檻媚新月射窗明酒國憑人醉書田媿筆耕疏慵今已慣何物是浮名

村居卽景

小築軒名湛月新營舫署沿波萬首詩情不少四時佳趣良多

屋後竹排萬个牆邊花種十弓儘許嘯歌自適不知心性誰同

閒或招人飲酒偶然與客彈棋任爾不衫不履無非讀書讀詩

抗志羲皇以上寄懷濠濮之間豈必社聯北郭何妨菊采南山

庭有三百竿樹架藏五千卷書摩詰儘堪獨坐淵明自愛吾廬

有句且酬明月閉門卽是深山安敢比於高蹈最難得者清閒

小坐秋華書屋同淡泉丈茶話

未許青山訪六朝且憑詩筆寫清寥酒因久戒無心戀絃爲疏彈費手調落拓胸懷仍不減飛揚神色媿難銷一邱

一壑粗償願況有羊求不待招

題鍾訪梅仕女

髻影顏雲玉手持不拈紅豆也相思傷春傷別情何限愁
煞江南杜牧之

香夢零星不可尋梨花院落晝沉沉美人心事才人淚兩
地東風一樣心

題陸星巖所畫神龍圖

元氣淋漓欲飛舞騰雲直逼天尺五願教墨汁滿鱗塗噴
向人間作霖雨

卽事

積潦如何尙沒田淒涼幾處斷炊烟冬心猶未逢三九米

言卷之二
價俄傳到七千地有仁人終是福家多巧婦亦堪憐侏儒
方朔休相詭一樣飢腸默默煎

水災紀事

猝被陽侯禍都遭澤國災驚心防鹿鉅盈耳慘鴻哀波浪
沿街湧魚蝦匝地來堪憐民命蹙劫運陡然開
雨陣無時歇淒涼不可聽雲堆檐角黑水截樹頭青戶外
閒浮艇牆邊亂貼萍晉陽當日阨彷彿此時形

民力東南敝難誇富蓋藏誰知多歉歲偏又值奇殃莫慰
祈年想曾無辟穀方雨師如自悔應也恤倉皇

賑撫籌人事尤勞歎息深洪流翻地脈酷罰痛天心徒切
羣生感空將妙策尋挽回誰有術變爾作甘霖

書賈丈雲階荒賑謠後

救荒無善策古曾議及此乖洪與湯旱未聞民飢死所貴
籌平時備豫有可恃自漢常平廢貽患久不止金華社倉
記弊亦陳朱子今但存其名畫餅徒滿紙一遇災荒來袖
手惟相視周官保富條立意有深旨元氣藏于民卽以衛
鄉里無已議捐輸於理未應嘗所慮立法疏弊卽從此起
立法意云何其權不在官卽以各戶捐使博鄉里歡都鄙
劃然判量力拯飢寒旣無剗掠慮又免溝瘠酸更恐倉廩
匱掣肘多所難計且施青蚨俾自謀一餐不濫亦不擾彼
此心尤安稽戶責諸董豈類環無端章程似此設或可紓
凋殘

其次救民飢良策莫如粥師法林中丞

少穆先生

藉以果枵腹

隨處設肆來角其遠邇逐玉粒泛滿甌器盈價則縮不受
施濟名彼已陰享福鳩形鵠面人何嫌覓塞屋且虞財不
充恃久力難足河道淤正多挑濬功可督使彼所得貲已
堪謀菽粟不但工代賑水利效尤速此法信堪行何事愁
踟促

傷哉今歲荒奇災實罕有雨師太遲威幾同澤國守洪波
捲地來魚鼈繞案走未苗不見形樹木惟探首嗟此蚩蚩
氓哀聲不離口夫意雖難知何忍竟縮手勉各盡厥心豈
慮事掣肘坐是日皇皇參議諸公後但願民氣蘇還恤人

言答

讀君荒賑謠使我欲涕漣利弊如指掌總爲民堪憐人心
奈不古義利途分懸實心固不少黠者豈盡捐借此市威
福遂爲漁利權凡事必有弊自昔爲已然彼但知肥己豈
計蒼蒼天茲且勿深論爾我姑周旋惟期事有濟夜亦能
安眠留君此詩稿當作芻蕘宣

題張秋浦詩後

都隲天開錦繡場雲屯霧集久名揚無端欲洗繁華景頓
把紅塵幻水鄉

寂寂却烟樹影孤蕭條井甃不堪摹可憐費盡酸心筆抵
得流民一幅圖

題吳雲岩花卉冊

別倚西風試淡妝何曾知有世炎涼自從靖節先生後羸

得康籬典亦香

菊花

嬌容似此仿應難抵得天香國色看不媿對爲花命婦端
宜金屋享羅純

海棠

哭鍾子良

惡耗傳來墨亦酸淚痕洒徧朔風寒音容斷絕成千古書
劍飄零剩一棺他日空懷雞黍約老親猶作別離看省園
風月渾如夢重檢遺文痛肺肝

遙遙空自勵人琴難忘書堂氣誼深一第豈酬聞達願九
原堪証死生心天如有意來施厄我更無端失賞音酒締
詩盟緣竟淺但容癡想夢中尋

與少槎夜話

挑盡疏燈擁鼻吟，重裘不礙峭寒侵。
月隨潮信三更上，愁與湖波一樣深。
失馬本無求福念，亡羊容有補牢心。
從教悟徹升沉理，何用癡懷覓賞音。

校子良遺詩

招得吟魂繞短檠，秋風都化斷腸聲。
窮愁滋味張平子，生死交情范巨卿。
謂惺甫少尹一第功名消富貴，十年塵土悔聰明。
可憐嘔盡心頭血，只博修文地下名。

青浦道中

趁着西風勁，蒲帆挂日邊。
青山雲外路，黃葉畫中禪。
遠水穿三泖，斜陽護一船。
煙波良足樂，何用學飛仙。

章練塘

一棹隨潮去，湖流幾處分。
市聲喧過岸，山色淡揚雲。
豪氣消鷗夢，歸心逐雁羣。
當年數遺逸，皮陸策詩勲。

平樾峯明府邀同靜洲丈竹卿赴鄉勸捐施賑

產蛙沉竈勢綿綿，苦雨空墓老杜篇。
束手堪傷羣命酷，勞心終仗長官賢。
境成滄海天何意，力挽瘡痍富有權。
滿目荒涼增感歎，難辭宵晝百憂煎。

紆籌幾度費沉吟，慷慨休言不易尋。
幸藉大裘千丈願，聊償廣廈萬間心。
終疑澤逮流亡少，遑敢功誇贊畫深。
成事因人吾轉愧，和衷總爲仗苔岑。

春水草堂小酌柬同坐諸君

生涯酒國可回春儘許杯盤草草陳綠髻消閒歲月青
衫難洗舊風塵憑教桃葉傳佳話好替梅花作主人莫悵
殘年容易過韶華轉眼又更新

時坐客有
新納姬者